



Tusagassiorfinnut nalunaarut Pressemeddelelse

Inigisami radonip killilersorneqarnissaata eqqumaffigineqarnerulenera

Radon peqqissutsimut ulorianartuuvoq, aammalu silaannarmiippoq kræftimik pilersitsisinnaasoq, takuneqarsinnaanani, naamaneqarsinnaanani mamassusersineqarsinnaanngitsoq. Misissuinerit takutippaat, Narsami Qaqortumilu inigisap iluini radon silaannaap akua annertusinnaasoq. Tamanna tunngavigalugu Ineqarnermut, Attaveqarnermut Angallanermullu Naalakkersuisoqarfiup paasissutissatut naqitaq, qanoq iliorluni angerlarsimaffimmi radonip annikillisinneqarsinnaaneranut pitsaasunik siunnersuutitalik saqqummersippaa.

15. januari 2013
Sags nr. 2012-078081
Dok. nr.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Radon gassiuvoq qinngornernik ulorianartunik akulik, nunap iluaniit seerisartooq. Nunarsuarmi Peqqinneq pillugu Suleqatigiiffik WHO nalilivoq, radon inuit puammikkut kræfteqalartarnerannut pequtaasartut pingaarnersaasa tullerigaat, taamaallaat pujortartarnermik qaangerneqarsimalluni. Taamaattumik illut iluisa silaannaata radonimik akoqarnerata killilersorneqarnissaata aallunneqarnera annertusineqarpoq.

”Ajornartorsiut tamanna annertuumik ilungersuuttariaqaripput qularineqassanngilaq. Radon sumi tamani nassaassaavoq, kisiannili katersuussimanera sumiiffimmiit sumiiffimmut allanngorarpooq. Maani misissukkat takutippaat, pingaartumik Narsami Qaqortumilu radon illuni katersuussimasooq annertusinnaasoq. Tamanna tunngavigalugu ulorianartorsiortut akornanniissinnaanerat paasiniallugu angerlarsimaffinni radonip katersuussimasup misissuiffiginissaa pissutissaqarluarpoq. Tamatuma saniatigut erseqqissaatigineqartuartariaqarpoq, ullormut marlussoriarluni angerlarsimaffik silaannarissassallugu pingaaruteqartorujussuummat,” Ineqarnermut, Attaveqarnermut Angallanermullu Naalakkersuisooq Jens B. Frederiksen oqarpoq.

WHO nunanilu avannarlerni qinngornernut ulorianartunut oqartussaasut inassutigaaq, illup iluata silaannaata radonimik akoqassusiata 100 Bq/m^3 (silaannarmut kubikmeterimut ataatsimut becquerel) sinnersimasussaangikkaa. Tassalu illuliornermut malittarisassani illuni nutaani suliarineqartussani silaannaap radonimik akoqarnerani 100 Bq/m^3 -ip (maanna 200 Bq/m^3 -inut atuuttunut taarsiullugu) qaangerneqannginnissaa innersuutigineqassaaq. Tassunga ilaatigut Peqqissutsimut Aqutsisoqarfiup nittartagaa: www.radon.dk innersuussutigineqarsinnaavoq.

Inigisap iluini silaannaap peqqinnarnerulernissaanut tapersiinissaq eqqarsaatigalugu Ineqarnermut, Attaveqarnermut Angallanermullu Naalakkersuisoqarfik aalajangiivoq, quppersagaq naatsoq ”RADON illup iluani” suliariniarlugu, taannalu Narsami Qaqortumilu inoqutiginnut agguanneqassaaq. Tamatuma saniatigut quppersagaq

itisiliiffiusoq "RADON inissiarlu" suliarineqarpoq, paasissutissanik sukumiisunik itisiliiffiunerusunillu imaqartoq. Taanna uunga aaneqarsinnaavoq: www.byginfo.gl. "RADON inissiallu" aamma Narsami Qaqortumilu teknikkimut ingerlatsivimmut aamma A/S Inissiaatileqatigiiffik INI-mut aaneqarsinnaapput.

Paasissutissatut naqitani ilaatigut:

- radonip suunera pillugu nassuiaat naatsoq atuarneqarsinnaavoq,
- qanoq ililluni illunut insertarneraq paasineqarsinnaavoq,
- inigisap iluani silaannaap radonimik akoqassusia qanoq ililluni uuttortarneqarsinnaanersoq paasineqarsinnaavoq, aamma
- qanoq iliorluni radon annikillisinneqarsinnaanersoq pillugu siunnersuutininik pissarsisoqarsinnaavoq.

Annertunerusumik paasisaqarneruumalluni attaveqarfigineqarsinnaavoq:

Ineqarnermut, Attaveqarnermut Angallannermullu Naalakkersuisoqarfik, Sten R. S. Egede, e-mail SEGE@nanoq.gl, telefon 34 67 23